

Ленинэнь киява

ВЛКСМ-нь Мокшэрзянь обкомонт ды Сарансковень ошонь комитетэнь газетаст

ИЮНЕНЬ

15 чи,

1937 ие

№ 67 (741)

ИССЕ

7-й ие
1937

СССР-нь Оборонань Народной Комиссаронт П Р И К А З О З О

1937-це иень июнень 12-це чи

96-це №

Робоче-Крестьянской Якстере Армиянь якстереармеецт, командирт, политроботникт ялгатне!

Те иень июнень 1-це чистэнь 4-це чис правительствань членэнь пингстэ ульнесь СССР-нь Оборонань Народной Комиссариатсо Военной Совет. Военной Советэнь заседаниясо кунсолозель ды толковазель монь докладом Внутренней Тевтнень Народной Комиссариатонь вийсэ лангс таргазь предательской, контрреволюционной военной фашистской организациядонть, кона пек конспирированнойкс улезь, кувака шкань перть эрясь ды Якстере Армиясонть ветясь подлой, подрывной вредительской ды шпионской работа.

Июнень 11-це чистэнь ССР-нь Союзонь Верховной Судонь Специальной Присутствиянь икелев стясть главной предательне ды те отвратительной шпионской изменнической банданть прятнэ: Тухачевский М. Н., Якир И. Э., Уборевич И. П., Корк А. И., Эйдеман Р. П., Фельдман Б. М., Примаков В. М. ды Путня В. К.

Верховной судось теизе эсинзэ виде приговоронзо! Народонть врагтнэнь—кулома! Воинской присягачень, родинанть ды эсь армиянть изменниктнэнь приговорось мог улемс ансяк ды ансяк истямокс.

Весе Якстере Армиясь шождалгадозь таргасы оймензэ, изменниктнэнь лангсо судонть достойной приговордонзо, виде приговоронть тевс ютавтомадонзо марязь. Мерзкой предательне, конат пек подло манизь эсь правительстванть, народонть, армиянть,—маштозь.

Советской судось а весть уш заслуженно чумовдсь троцкистско-зиновьевской шайкатнестэ лангс таргазь террористтнэнь, диверсанттнэнь, шпионтнэнь ды машиниянтнэнь, конат ветясь предательской эсь тевест омбо масторонь разведкитнэнь ярмак лангс, аверкс теевезь фашистэнь, изменниктнэнь ды рабочейтнэнь ды крестьянтнэнь предателенть Троцкоень кбмандазо коряс. Верховной судось эсь шкасто тейсь эсинзэ беспощадной приговор Зиновьевень, Каменевень, Троцкоень, Пятаковонь, Смирновонь ды лиятнэнь шайкастонть бандиттнэнь.

Яла теке, контрреволюционной заговорщиктнэнь, шпионтнэнь ды диверсанттнэнь спискась, кода ней ливтезь лангс, эзь придовкшно сестэ судязь преступниктнэсь. Синьст эйстэ ламотне, честной ломанень чамакс алов кекшезь, кадовкшнось оляс ды ветясь изменань ды предательствань эсистеражо тевест.

Меельсэ шкань самс лангса пак тарга кадовокс истят предательтнэнь ды изменниктнэнь юткс относятся шпионтнэнь ды разведчиктнэнь контрреволюционной банданть участниктнэ, кона (бандась) теекшнесь эстензэ пизэ Якстере Армиясонть.

Оборонань Народной Комиссаронт икелень заместителесь Гамарник, предателесь ды трусось, советской народонь судонть икелев стямонть эйстэ пелезь, маштызе эсь принзо.

Наркомонт икелень заместителесь Тухачевский, округонь войскактнэсэ икелень командующейтне Якир ды Уборевич, Фрунзеялганть лемсэ военной академиянть икелень начальникусэ Корк, округонь войскактнэсэ командующейтне икелень заместителесь Примаков, начальствующей составонть эзга управления икелень начальникусэ Фельдман, Англиясо икелень военной атташесэ Путня, Осоавиахимень Центральной Советэнь икелень председателесь Эйдеман,—весе сынэ ульнесь высшей начальствующей составсо, занясть минек армиясонть покш постт, сынест кемсть правительствась ды минек партиясь. Весе сынэ ульстэ изменникс, шпионкс, эсь родинанть предателкс. Сынэ наглоистэ колызь ССР-нь Союзонь Конституциянь.

Те шайканть конечной целекс ульнесь—мезе вляго уле ды куш кодамо средствасо ликвидировамс минек масторсо советской строенть, истожамс сонзэ эйсэ советской властенъ, каямс рабоче-крестьянской правительстванть ды одс аравтомс СССР-сэ помещиктнэнь ды фабриканттнэнь ярмонть.

Те предательской эсь целенть тевс ютавтоманзо кис фашистской заговорщиктнэ эзьтэ виде средствань кочкамосонть: сынэ аноктасть партиянь ды правительстванть руководителтнэнь маштомат, ютавтсть народной хозяйствасонть ды масторонть ванстома тевсэнь эрва кодамо злостной вредительстват, снартнестэ сеземанзо Якстере Армиянть виензэ ды анокстамссы шкань войнастонть сонзэ поражения.

Партиянь членэнь ды Робоче-Крестьянской Якстере Армиянь начальниктнэнь покш званиятнэсэ эсь прят кекшнезь, сынэ микшнесть Советской Союзонь врагтнэнь минек государстванть военной тайназо, сезнест Якстере Армиянть славной виензэ ды вообще тейстэ весементь Советской Социалистической Республикатнэнь Союзонть лангс внешней врагонь каявоманть седе куток ютавтоманзо кис.

Сынэ аргесть предательской эсь тевсэст, фронтонть технической ды материальной снабжениясонть ды боевой операциятнэсэ руководствань тевсэнь прямой изменасо ды вредительствасо, теэмс войнань улемстэ Якстере Армиянть фронтнэсэ поражения ды каямс Советской Правительстванть. Сынэ учость лезкс омбо масторонть вейке государствань военно-фашистской кругтнэнь эсь азорост пельде ды те лезксэньтэ кис анокт ульнест максомс Советской Украинанть, явшемс минек масторонть пельксэнь пелькс.

Неть предательтне парсте со-

дасть, што сынэ не могут муемс лезкс рабочейтнэнь ды крестьянтнэнь ютксто, Робоче-Крестьянской Якстере Армиянь боецтнэнь ютксто ды секскак роботасть манчезь, кекшнесть народонть ды якстереармеецтнэнь эйстэ, пельсть невтемс эсистеражо чамаст.

Народонть неть врагтнэ кундазь поличной марто. А сеповикс фактнэнь сталмост ало, сынэ видькстасть эсь предательствасост, вредительствасост ды шпионажсост.

Главной организатортнэ, руководителтне ды шпионтнэ, конат непосредственно сюлмавозель буржуазной фашистской масторонь генеральной штабтнэнь марто, ливтезь лангс ды заслугань коряс получасть Советской правосудиянь возмездия.

Робоче-Крестьянской Якстере Армиясь, советской властенъ верной ды кеме нежезэ, пощадавтомо таргси лангс те гнойникенть эсинзэ шумбра рунгостонзо ды куроксто сонзэ ликвидировасы. Врагтнэ малявстэ. А учомс сынест Якстере Армиянть поражениянзо. Якстере Армиясь ульнесь ды кадови а изиятнэкс. Мировой фашизмась нейгак карми содамо, што сонзэ виде агентнэзэ гамарниктнэ ды тухачевскойтне, якиртнэ ды уборевичтнэ ды предательской лия стерватне, конат лакеекс службасть капитализманть, нэрдазь масторонть чамасто ды сынст кувалт ледстнемась ули сюдозь ды стувтозь.

Ялгат!

Якстере Армиясь ули ды свал карми улеме изинякс лисезь народонть плотекс ды верекс, кона (народось) строи социалистической од эрямо. Минь ваньксавта-

но эсинек рядонк фашистско-шпионской мерзостенть эйстэ ды икеле пелев а нолдасынек позорной истят фактнэнь таго теевемаст. Наксадо дрянденть эсинек армиянок ваньксавтозь, минь тенсьсэ седеяк яла пек тейдяно сонзэ виевекс ды неуязвимокс. Армиясь кемелгады сенсьсэ, што ваньксавты эсь принзо нулгодкстнэде.

Якстере Армиясь обязан ды карми кирдеме педепев честной, рабочейтнэнь ды крестьянтнэнь тебезест преданной, алкукс эсинзэ командно-начальствующей состав.

Якстере Армиясь целанек, якстереармеецтэ высшей начальникусэ ульнесь ды свал карми-улеме вейкине виев, монолитной боевой коллективекс.

Арасель ды зярдояк а ули тарка минек пек вадря армиянть рядтнэсэ предательтнэнь, присяганть ды родинанть изменниктнэнь.

Ялгат, кемементь седе покшолгавтсынек большевистской бдительностенть, келедсынек ды радикально седеяк вадрялгавтсынек весе областтнэсэ минек роботанть, келедсынек самокритиканть ды тенсьсэ седе куток тейсынек народонь врагтнэнь роботань последствияст педепев ликвидировамонть.

Долой фашистской предательтнэнь!

Кулома шпионтнэнь ды изменниктнэнь!

Шумбра улезь минек славной Робоче-Крестьянской Якстере Армиясь!

Шумбра улезь Ленинэнь—Сталинэнь минек ине партиясь!

СССР-нь Оборонань Народной Комиссарось Советской Союзонь Маршалось К. ВОРОШИЛОВ.

Весесоюзной Коммунистической (большевиктнэнь) партиянь Центральной Комитетэнь пельде

ВКП(б)-нь Центральной Комитетэсь седеень покш сэрдькс марто пачти куля партиянть, рабочей классонть ды весе трудиянтнэнь, што июнень 12-це чистэ, 1 чассто 50 минутасто, Москоско а кувать сэрдемадо мейле кулось партиянь сыре членэсь, В. И. Ленинэнь малавикс помощниксэ, ССР-нь Союзонь СНК-со Советской Контролень Комиссиянь бюронь членэсь—

М. И. УЛЬЯНОВА ялгась.

Ульянова ялганть, кона максызе весе эрямонзо коммунизмань тевентень, куломасо ашти покш емавкс партиянь ды ССР-нь Союзонь трудиянтнэнь туртов.

М. И. Ульяновань эрямозо, Ленинэнь—Сталинэнь тевентень сонзэ преданностезэ ды трудиянтнэнь чуткой отношениязо кармивьсужамо коммунизманть победанзо кис беззаветной бороцямонь примерэкс весе партийной ды аволь партийной большевиктнэнь туртов.

Весесоюзной Коммунистической (большевиктнэнь) партиянь Центральной Комитетэсь.

СССР-нь Центральной Исполнительной Комитетэсь седеень покш сэрдькс марто пачти куля коммунизмань тевентень кис пек преданной борецэнь, СССР-нь ЦИК-ень членэнь

М. И. УЛЬЯНОВА ялганть

135 Москов ошсо тедидень июнень 12-це чистэ куломанзо.

Карматано помнямо СТАЛИН ялганть валонзо капиталистической окружениядонтъ УЛЬДЯНО ЗОРКОЕКС ДЫ БДИТЕЛЬНОЕКС!

ПРИГОВОРСОБЪ ЕВТЫЗЕ СССР-НЬ ВЕСЕ НАРОДНЭНЬ МЕЛЕСТ

Фашистской шпионтнэнь шайканть — Тухачевскоень, Якирэн, Уборевичень ды лиятнэнь лангсо СССР-нь Верховной Судонь Специальной Судебной Присутствиянь приговоронть покш мель марто вастызь Советской Союзонь трудицятне. Фабрикатнэсэ, заводтнэсэ, Якстере Армиянь ды флотонь частытнэсэ, колхозтнэсэ, МТС-тнэсэ, совхозтнэсэ ульнэсь покш митингт. Народонь азаргадозь врагтнэнь ледемадост приговоронть тевс ютавтоманзо пек шны весе минек масторось.

Белоруссиянь компартиянь с'ездэс, кона павжовсь Минска, шпионтнэнь бандань тевенть коряс прокуратуранть кулян пачтамонзо кунсолось, кона печатазь газетатнэсэ, — примась резолюция, конань эйсэ кемевти ВКП(б)-нь ЦК-нтъ, вечкевикс вожденть ине Сталинэнь ды Союзной правительстванть сень кувалт, што Белоруссиянь КП(б)-сь ды белорусской весе народос, конат роботыть минек масторонть чи валгома ено рубежтнэсэ, кемексть виевгавтсызь эсист бдительностест фашисттнэнь проиктнэненъ. С'ездэс Белоруссиянь весе КП(б)-нтъ ды белорусской народонть пельде евты пек покш поздоровт НКВД-нь органтиненъ ды сынт руководителентень Ежов ялгантень, конатнэнь ледемадост марто сезевь германо-японской шпионтнэнь — родинань предательтнэнь подлой деятельности.

Митингтнэсэ ине кежэнь ды ненавистень чувства марто кортасть фашистской шпионтнэнь нулгодекс кучинеденть Калининскэ лемсэ частень боейтнэ, командиртнэ ды политработниктнэ. „Якстере Армиясь, — яволятсь сынь, — ульнэсь, ули ды карми улеме социализмань масторонть а изнявиця армиякс. Мерзавецтнэнь кучиненть маштомась — те минек родинанть виензэ невтема. Те — покш вачкодевкс войнань кирвастиятнэнь ланга ды СССР-сэ капитализманть одов аравтомань сынт планост ланга. Минь эсинеке эрва чинь роботасонок ды тонавтемасонок кепедсынеке большевистской бдительностенть, виевгавтсынеке эсинеке непримиримостенть народонь весе врагтнэненъ, кода бу ежовсто ды парсте авольть кекшне. Минь карматано тонавтеме большевизманть, кирдеме мельсэ капиталистической окружениянь, свято ванстома военной тайнанть, парсте кандомо караульной службанть. Седеяк пек карматано кемекстамо минек а изнявиця Якстере Армиянь боевой виензэ“.

Ленинградской Кировской заводонь рабочейтне, работницятне, инженерно-технической работницятне ды служащейтне эсист резолюциясост мерсть: „А изнявиця виензэ минек ине героической Якстере Армиянь, неприступнойтнэ минек границятне. Виев ды пек кеме советской строесь. Шпионтнэнь, диверсантнэнь ды маштыцятнэнь громадь ды тапазь, минь седеяк пек кемекстасынеке эсинеке социалистической обществанть виензэ, минь ванстатано народтнэнь мирэнтъ, теядяно вачкодевкс войнань кирвастиятнэненъ“.

Родинань подлой изменниктнэнь лавгсо приговоронть ве мельсэ шнызе 25 тыщань общегородской митингсэ Киевсэ, кона ульнэсь посвященной омонть белополяктнэнь эйстэ менстамонтень 17 иетъ топодемантень.

СССР-нь трудицятне эсист резолюциясост максыть вал кемексть виевгавтомс бдительностенть, седеяк пек борозамс Советтнэнь масторонть оборонной виензэ вастоманть кид ды седеяк кемексть пурнавомс партиянь ды народтнэнь вожденть Сталин ялганть перька. СССР-нь трудицятне евтыть покш поздоровт Оборонань Наркомонтень Ворошилов ялгантень, НКВД-нтэнь ды сонзэ боевой руководителентень Ежов ялгантень. (ТАСС).

Саранскоень трудицятне ве мельсэ шныть приговоронть

Июнень 13-це чистэ Саранскоень котонинной фабрикасо 225 рабочейтне эсист митингсэ ве мельсэ шнызь СССР-нь Верховной Судонть приговоронзо подлой 8 шпионтнэнь, фашистской азаргадозь кискатнэнь Тухачевскоень, Уборевичень, Якирэн, Корконь ды лиятнэнь лангсо.

Кадратнэнь заведующеесь Уткин ялгась, слесаресь Матвеев ялгась ды ламо лиятне эсист валсост

тердсть эщо седеяк пек кастомс революционной бдительностенть, тердсть эщо седеяк пек пурнавомс коммунистической партиянь ды сонзэ рулевоенть Сталин ялганть перька.

Истят жо митингт ютасть консервной комбинатсо, СартЭЦ-сэ, махорочной фабрикасо, маслозаводсо ды лия предприятиятнэсэ.

Покш мельсэ шнызь приговоронть

Теньгушева. Июнень 12-це чистэ райцентрасо ульнэсь митинг Верховной Судонь Военной Коллегианть приговоронзо коряс. Райцентрань трудицятне ве мельсэ шныть приговоронть родинань изменниктнэнь, шпионтнэнь Тухачев-

скоень, Якирэн, Уборевичень, Корконь, Эйдеманонь, Фельдманонь, Примаковонь ды Путнань ледемадо.

Митингтнэ ютыть райононь весе колхозтнэва.

Фашистской кискатнэненъ — кискань кулома

Июнень 12-це чистэ Саранскоень мокшэрзянь писательтне эсист митингсэст вейке мельсэ шнызь СССР-нь Союзонь Верховной Судонь Судебной Специальной Присутствиянь приговоронзо народонь врагтнэнь, фашистской азаргадозь ды верев кискатнэнь Тухачевскоень, Якирэн, Уборевичень, Корконь ды лия шпионтнэнь лангсо.

Митингсэнтъ кортициятне (Сафронов, Рогожин, Бебан ды лия ялгатне) фашистской азаргадозь кискатнэнь Тухачевскоень, Уборевичень, Якирэн, Эйдеманонь ды лиятнэнь лангсо приговоронть шнамо до башка, эсист валсо кортнэсть, што народонь врагтнэ — троц-

кистнэ эцекшнэсть писательской организациянтень. Гайни, Виард (Ардеев), Платонов, Клешунов, Пьянзин ды ламо лиятне кувать ветасть эсист подлой тевест. Правлениянь руководителенте жо Ильфэк ды лиятне эзизь нее сынт. Седеяк берянь се, што правлениянь руководителенте нейгак яла сзредить идиотской ормасонть, беспечностьсэнтъ.

Мокшэрзянь писательтне эсист резолюциясост сермадсть:

„Кулома весе гадинатнэненъ, родинанть подлой изменниктнэненъ! Киненьгак, мейсэяк а лоткавтови минек масторонть коммунизмантень победоносной молемасть“.

„ЯКСТЕРЕ АРМИЯСЬ УЛЬНЭСЬ ДЫ КАДОВИЯК А ИЗНЯВИЦЯКС“

Июнень 14-це чистэнтъ „Правда“ печатазь Сталин лемсэ Особой Краснознаменной Ленинэнь орден кавалерийской дивизиянь сермазо Сталин ялгантень.

„Фашистской подлой наймитнэ, — мерезь сермасонть, — минек масторонть арсесть мекев велявтомс помещиктнэнь ды фабрикантнэнь властэ алов. Сынь анокстыльть минек партиянь ды правительстванть вождтнэнь машнемат, аноктасть икеле пелень войнасонть Якстере Армиянь поражение. Но фашистской гадтнэненъ зярдояк а сави улемс азорокс советской моданть лангсо. Кодамо чамакссо бу сынь авольть кекшне, кода бу авольть двурушничка фашизманть лакейтнэ, яла теке советской ине народос, сонзэ вечкевикс эйдезь — Якстере Армиясь педэ пев тапасызь те наксадовозь мразенть. СССР-нь вейкеяк боец, вейкеяк честной гражданин зярдояк эзь моле ды молемак а карми предательтнэнь мельга. Рабоче-Крестьянской Якстере Армиянь боецтнэ зярдояк а теить измена присягавтень. Пингедэ-пингес улить сюдозекс... неть шпионтнэнь ледема, конат макссть присяга родинантень ды теке жо шкане снартнэсть сонзэ микшнема“.

„Минек Наркомонть приказозо, — седе тов мерезь сермасонть, — макссь од вий минек роботантень. Сон терди эйсэнеке эщо седеяк кемексть пурнавомс ленинско-сталинской партиянь перька. Минь макстано вал минек кшнинь Наркомонтень Ворошилов ялгантень, што человечество гнусной потмактнэ, фашистской шпионтнэ Тухачевскойтне, Уборевичтне ды лиятне эзть тее ды а теитькак та-лакадома минек рядтнэс. Минь эщо седеяк покш энергия марто карматано кемекстамо минек рядтнэнь боевой виенть ды зярдояк а потатано Сталинской Конституциянь эйстэ“.

Сермась прядови истят валтнэсэ:

„Минь макстано вал Тонетъ, вечкевикс Сталин ялганок, што эсинеке сельмекс карматано ванстома военной тайнанть, эрва зярдоя карматано улеме врагонтень бдительнойкс, чистэ-чис карматано кепедеме боевой ды политической анок-чинек. Минь весе Рабоче-Крестьянской Якстере Армиянь марто вейсэ аноктано эрва минутане стямс минек социалистической родинанть ванстома ды врагонтъ юрнэк ды педэ пев тапамо“.

(ТАСС).

СССР-нь Верховной Судсонть

Те иень июнень 11-це чистэ, СССР-нь Союзонь Верховной Судонь залсонть, СССР-нь Верховной Судонь специальной судебной Присутствиясь, конань составсо: председательствующеесь — СССР-нь Союзонь Верховной Судонь Военной Коллегиань председателесь армвоен-юристэсь В. В. Ульянов ялгась ды Присутствиянь члентнэ — СССР-нь оборонань Народной Комиссаронть заместителесь РККА-нь воздушной вийтнэнь начальничесь II-це рангонь командармось Я. И. Алкснис ялгась, Советской Союзонь маршалось С. М. Буденный ялгась, Советской Союзонь маршалось В. К. Блюхер ялгась, РККА-нь генеральной штабонь начальничесь I-нь рангонь командармось Б. М. Шапошников ялгась, Белорусской военной округонь войскактнэсэ командующеесь I-нь рангонь командармось И. П. Белов ялгась, Ленинградской военной округонь войскактнэсэ командующеесь II-це рангонь командармось П. Е. Дыбенко ялгась, Северо-Кавказской военной округонь войскактнэсэ командующеесь II-це рангонь командармось Н. Д. Каширин ялгась ды Сталин лемсэ казачей кавалерийской 6-це корпусонь командирэсь комдивэсь Е. И. Горячев ялгась закрытой судебной заседаниясонть, 1934 иень декабryanь 1-це чинь законсонть аравтозь порядоконть коряс ваннэсь М. Н. Тухачевскоень, И. Э. Якирэн, И. П. Уборевичень, А. И. Корконь, Р. П. Эйдеманонь, Б. М. Фельдманонь, В. М. Примаковонь ды В. К. Путнань тевест, конатне чумондовить РСФСР-нь УК-нь 58—1 Б, 58—8 ды 58—11 статьятнэсэ евтазь преступлениятнэсэ.

Судсонть ливтезь лангс, што вере евтазь чумондовиятне лия масторонь вейке государстванть, кона СССР-нтъ коряс вети аволь дружелюбной политика, военной разведканзо кедьсэ службасо улезь, свал макснэсть те государствань военной кругтнэненъ шпионской сведеният, Рабоче-Крестьянской Якстере Армиянь виензэ сеземань кис тейнэсть вредительской актт, СССР-нтъ лангс военной каявомань случаентень аноктасть Якстере Армиянь поражениянзо ды кирдсть эсь целекс ледемам Советской Союзонть явшемантень ды СССР-сэ помещикень ды капиталистнэнь властенть мекев аравтомантень.

СССР-нь Союзонь Верховной Судонь судебной специальной Присутствиясь весе подсудимойтнэнь М. Н. Тухачевскоень, И. Э. Якирэн, И. П. Уборевичень, А. И. Корконь, Р. Б. Эйдеманонь, Б. М. Фельдманонь, В. М. Примаковонь ды В. К. Путнань ловинзе чумокс воинской долготнэ (присяганть) коламосо, Рабоче-Крестьянской Армиянтень изменасо, родинантень изменасо ды путсь: весе подсудимойтнэнь саемс воинской званиясь, подсудимоенть Тухачевскоень — саемс Советской Союзонь маршалонь званиянзо ды судинзе весень у оловной наказавиянь высшей мерас — ледема. (ТАСС).

ХРОНИКА

Июнень 12-це чистэ ютавтозь тевс СССР-нь Союзонь Верховной Судонь Специальной Судебной Присутствиянь приговорось уголовной наказавиянь высшей мерас судазьтнэнь коряс: Тухачевский М. Н., Якир И. Э., Уборевич И. П., Корк А. И., Эйдеман Р. П., Фельдман Б. М., Примаков В. М. ды Путна В. К. ледезь.

МАРИЯ ИЛЬНИЧНА УЛЬЯНОВА

ССР нь Союзонь Народной Комиссартнэнь Советэсь седееень покш ризкс марто пачти куля, СССР нь СНК-со Советской Контролень Комиссиянь членэнь, Советской Контролень Комиссиянь пеняцямот-нень бюронь заведующеенть

МАРИЯ ИЛЬНИЧНА УЛЬЯНОВАНЬ

июнень 12-це чистэ 1 чассто 50 минутасто куломадонзо.

РОБОТАНЬ КОРЯС ВЕЧКЕВИКС ОЯНТЕНЬ ДЫ ЯЛГАНТЕНЬ

Тусь минек эйстэ пек вадря оя ды ялга, большевиктнэнь парти-ань активной сыре деятель, кона преданнойстэ бороцясь Ленинэнь-Сталинэнь тевенть кис.

Пек од шкасто, 1896 иестэ, кода ульнесь авань высшей курстнэнь кунсолыцк, Мария Ильична прими деятельной участия студенческой аволь легальной организа-циятнэсэ, ды 1899 иестэ Московсо арестовизь, мейле кучизь поли-циянь башка надзор алов Нижней-Новгородов.

Те шкастонть саезь Мария Ильична эрямозо а явовикс парти-анть эйстэ, сонзэ активной ро-ботазо шка сезеви ансяк арест-тнэсэ ды ссылатнэсэ.

Мария Ильична—Владимир Ильич Ленинэнь малавикс оязо, сонзэ преданной ды верной помо-щникезэ ды секретарезэ.

Весе, кить роботасть Мария Ильична марто, вастнэсть эйсэ-зэ отзывчивой, внимательной ялга. Мария Ильична пек сюлмазель Советской Союзонь рабочейтнэнь, колхозниктнэнь ды интеллигенци-анть марто 5 иеде ламо Мария Ильична ульнесь пеняцямотнэнь бюронь прятокс, икеле ВКП(б)-нь ЦКК-со ды СССР-нь НК РКИ сз, мейле Советской Контролень Ко-миссиясо. Те роботанть Мария Ильична путнэзе трудицятнэнь весе эсь вечкеманзо. Сон ульнесь пек чуткой ды внимательной жи-вой ломанентень, мезентень минек тонавтсь Ленин ды эрва чистэ тонавты Сталин.

Сонзэ перька свал ульнесь мас-



сась, сон сонэнзэ свойственной чуткостьсэ, кунсолось наболевшей кевкстематнэнь — пеняцямотнэнь. Ды эрямозо сонзэ сезевсь рабочей пост лангсо, Советской Контро-лень Комиссиянь пеняцямотнэнь бюронь сонзэ рабочей помеще-ниясонзо.

Весе эрямонзо максызе Мария Ильична Ленинэнь - Сталинэнь партианть тевензэ кис, рабочей классонть тевензэ кис, коммуни-манть кис.

СССР-нь СНК-со Советской Контролень Комиссиясь.

МАРИЯ ИЛЬНИЧНА УЛЬЯНОВА ЯЛГАНТЬ КАНДОЛАЗОНЗО ВАКССО

Колонной залсонть сэрей поста-мент лангсо ашти кандолазсо Ма-рия Ильична Ульянова—боль-шевикской партиань сыре чле-нэсь, ине Ленинэнь сазорозо ды малавикс лездыцзо.

Полавтовить почетной ды воин-ской караултнэ. Цеця потсо кан-долазонть вакссо ламо венокт. Покш веноконь алой лентатнэнь лангсо сермадовкс: «Сыре больше-викентень—ленинцэнтень М. И. Ульянованень ВКП(б)-нь ЦК-нть пельде». Мейле аштить венокт СССР-нь Совнаркомонть ды СССР-нь СНК-со Советской Контроленть Комиссиянь роботниктнэнь пельде.

Кандолазонть ваксс пурнавсть Мария Ильична роднянзо ды оянзо. Сынт ютксо Дмитрий Ильич Ульянов—Мария Ильичнань бра-тозо, Надежда Константиновна Крупская.

Залганть кандолазонть вакска певтеме ютыть ломанть. Молить заводонь ды фабрикань стаханов-ецт, командирт, якстереармеецт, инженерт, студент, служащеть, эйкакш марто ават, сыре больше-викт ды ламо эйкакшт.

Совавтыть кавто од венокт, лен-таст лангсо нурьканы сермадовкс: «А стувовикс, вечкевикс сазоро-нтень—оянтень. Ульянов ды „Род-ной оянтень. Н. Крупская“.

Почетной караулсо вейкест-вей-кест полавтозь аштить московской предприятиятнэнь рабочейтне ды роботникатне, ВКП(б)-нь ЦК-нь аппаратонь, Партийной Контро-лень Комиссиянь, Советской Кон-тролень Комиссиянь роботниктнэ.

Почетной караулонь сменасо аш-тесть Крупская, Ярославский, Ста-сова, Землячка, Любимов, Семаш-ко, Кржижановский, Крыленко, Бубнов, Артюхина, Шверник ял-гатне, М. И. Ульяновань роднойт-не ды малавиктнэ, ВКП(б)-нь МК-нь аппаратонь роботниктнэ, Московонь предприятиятнэнь ста-хановецтнэ ды лият.

22 чассто 10 минутасто траур-ной вахтас аракинность М. И. Ка-линин, Н. К. Антипов ды И. А. Акулов ялгатне.

Вет 0 чассто 15 минутасто за-лонть совамось лоткавтозь. Ка-довить ансяк роднойте ды мала-викс оянте: Прощямонь минутат. Роботань коряс ялгатне кедь ланг-сост ливтить М. И. Ульяновань рунгонзо марто кандолазонть уль-цяв ды путьтэ сонзэ автомобилсь.

Траурной процессиясь моли кре-маториясь.

Позда чокшне М. И. Ульяновань рунгозо ульнесь максозь крема-циясь. (ТАСС).

ОД РАЙОНСО КОМСОМОЛОНЬ АКТИВЕНЬ ПРОМКС

Июнень 8-це чистэ Козловкасо ульнесь комсомолонь райононь активень промкс. Оргтройкань председателесь Данилов ялгась тейсь доклад ВЛКСМ-нь ЦК-нь III-це пленумонть ды Мокшэрзянь обкомонь IV-це пленумонть реше-ниятнеде кочкамонь одсистеманть коряс советтнэс кочкамотнэнень комсомолонь организациань анок-стамодонть ды комсомолсо поли-тико-воспитательной роботанть асатыкстнэде.

Прениясо кортницятне таргасть лангс ламо берянь енкст, асатыкст. Козловкань районось организовазь эщо аволь умок. Пеледест ламо комсомолонь организациань те районянтень понгсть Атяшевань районсто. Кортницятне таргизь лангс, што секс, што Атяшевань райкомолсонть ветаст эсь тевест народонь врагтнэ — троцкистнэ Чернобровкин ды лият, комсомо-лонь организацианть роботаст ульнесь калавтозь.

Наборно - Сыресевань органи-зациясо арась кодамоак массово-разяснительной работа, а ютавт-невить комсомолонь промкст. Ком-соргось отчетонь атак тее ковбу-ти тусь, теде кияк а содыак,—кор-ты Боляев ялгась. Сон жо кор-тасть седе, што Козловкань пе-дучилищань организациясь а то-павты эсь решениянзо. Организа-циянь промкссо теезь путовкс, штобу ветамс Пилезь велесэ ан-

тирелигиозной работа, но атак тее мезеяк.

Кокнаев ялгась (Козловкасто) евтнэсь седе, кода Жабинасо ве-семень судост ало роботы поп, виензы эсь роботанзо, но комсо-молецтнэ тень а неить.

Ашаев ялгась (Тазналетэ) кор-ты, што Атяшевань районсо доп-рок арасель критикась ды само-критикась, райкомось лепицясь комсомолонь организацианть инициативаст.

Тюгаева ялгась (Ведясто) истя жо таргасть лангс зярый асатыкст, кортасть комсомолонь организа-циянь роботанть каладомадонзо, пионертнэнь марто беряньстэ ро-ботамодо.

ВКП(б)-нь райкомонь секрета-ренть полавтыцязо Куркин ялгась корты, што миненек ней эряви улемс отзывчивойкс. Тосо косо минь грубияним, а роботатанок массатнэнь марто, минек кис ро-ботыть народонь врагтнэ. Кор-тасть критиканть ды самокрити-канть келейгавтомадонзо, полити-ко-воспитательной роботанть ды культурной роботанть вадрялга-томадо.

Весемезэ кортасть 11 ломанть.

Эсь решениясонзо промксо-сь ловинзе весе неть асатыкстнэнь ды аравтсь комсомолонь райо-нонь организацианть икелев кон-кретной предложениат икеле-пельк-сэнь роботасонть.

А. Козловский.

— 000 —

ЛЕДЯЙКИН ОРДЕНОНОСЕЦЭНТЬ КОЛХОЗСО

Крупская лемсэ колхозонь пред-седателенть орденосецецэнтэ Ле-дяйкин ялганть сеестэ можна неемс-пиксе парсеень паксятнэсэ. Вана сон ласте ардсь розь паксян-тень, ванны розенть сэрэнзэ, ко-лозонть покшолманзо, арси покш урожайденть. Яровой паксятнэсэ ванны, кода кочкить сорняктнэнь, ловны, зяро лопат нолдасть пи-неметне, зяро чеерень пилеть ка-ясть суротне. Аволь чуросто сон эрси мушкосо видезь участка-нень лангсо: Тосто эрва гектар-стонть тензэ эряви саемс 9 цент-нерт мушко. Лисевкстнэ алтнить покш урожай, сынст сэрест нейке уш 10—12 сантиметрат, мушкосо видезь весе 96 гектартнэ пнжол-дыть, радовавтыть эрва колхоз-никенть седеензэ.

Коноплеводческой весе звенат-нень эйстэ, сехте икелев молицяк, стахановскойс колхозсонть лова-ви Игнатьева Аннань од тейте-ренть звеназо. Сонзэ звенасонть весе 6 тейтертне ве мельсэ сайсть обязательства эрва гектарсто са-емс 18 центнерт мушко. Покш урожаенть кис бороцямось алотк-

си зярдояк. Июнень 3-це чистэ ютавтызь васень подкормканть, прыдызь васенеде кочкоманть. Покш роботат ютавтовить сонзэ участкасо орошениянь ютавто-манть коряс: пекстыть зелт, чув-нить канавинет. Маласо читне-стэ Игнатьева звеноводканть участ-касо 4,5 гектартнэ кармить улеме валнозь.

Те звенасонть анокстыть муш-конь ваявтома шкантеньгак. Тар-гасть уш 46 кубометрат кевть. Кевень таргамосонть Терешкина Лида ды Ледяйкина Варя 1,5 ку-бометрат нормаст топавтнэсыз 2,5 кубометрас.

Июнень 6-це чистэ колхозсонть ульнесь оймсема чи. Колхозникт-нэ ульнэсть оршазь праздничной одижасо. Од ломантне налк-сесть волейболсо. Клуб икеле 15 колхозникт кунсолызь С. Урано-вонь «О некоторых коварных приемах вербовочной работы ино-странных разведок» книганзо, клубсо ламо од ломанть кунсо-лость радиосо А. С. Пушкинэнь «Цыгане» поэмазо ды лият.

А. Мартынов.

— 000 —

Видякин колси вельхозартелень уставонть

Кочкуровань район, Од Тягловка велень «Ленинэнь ки» колхозонь председателесь Видякин весе ро-ботанзо перть а весть колсизе колхозной уставонть.

Видякин овси а вансты колхозонь паро чинть. Вана примерт а умок завхозось Косолапов Я. Е., сче-товодось Косов И. Е. ды животноводсь Кильдюшкин А. Е. симсть кавто реветь ветеринарной фельд-шерэнтень Родиинэнь.


Те тевденть Видякин пек пар-сте содась, но кодаткак мерат эзь прима, мекев лангт колхозонь паро-чинь симицятнэнь марто сон моли ве лув. Видякин ды сонзэ

оянзо Косолапов Я. Е., Косов И. Е., Кильдюшкин А. Е. ды Кильдюш-кин Т. а лоткить винадо симема-до. Сынть пельлитра лангс микш-нить колхозонь почт ды лия ве-щат.

Ещо вейке пример, ней Видякин киньгак атак кевксте колхозонь ярмак лангс рамась эстензэ кудо. Кудонть тензэ теить колхозникт трудочи лангс. Сон пачкодсь се-нень, што кочкицятнэнень паксяв сывель ды киши а максы, но зато эсинзэ кудонь теицятнэнень ютавсь ламо киши, сывель ды ой.

Кие макссь права Видякинэнь коламс вельхозартелень уставонть? Колхозник.

136



1937 иень июнень 12-це чистэнь топодсть 5 иеть, кода теезь Комсомольск-на-Амуре ошось. Пермской вишкинька веленть таркас кассь социалистической од ош. Тосо, косо ульнесь а ютавикс тайга, ушодовсь покш стройка, кассь од кудот, школат, клубт, эйкакшонь яслят, садт ды лият. Ошонть марто вейсэ кассь пек паро ломанть—Комсомольскоенть строицят, Советской Дальней Востокомть освоениянь энтузиастт. Эрьва иене Комсомольскоесь яла седеяк вадрялгады.

СНИМКАСОНТЬ: инженертиень, техниктиень ды стахановецтиень туртов коттеджтиень, квартиратне Комсомольско ошонь комсомольской ульясонть.

МАССР-нь Конституциянь проектэнь лангс ответ

Ромодановань район, Евлашева мадозь Конституциянь проект-велесэ колхозниктне покш-мель сэнть.

Пек покш интерес марто толковасть граждантиень правадост ды сыре ломантненень лездемонь максоманть кувалт, конатне сер-

Конституциянь проектэнь лангс колхозниктне отвечать стахановской движениянь келейгавомасо ды урожаенть кепедемасо.

Вл. Ананьин.

ВЛАДИМИР НИКОЛАЕВИЧ МЕТЛИН

Ней Владимир Николаевич Метлинэнь 60 иеть. Эйстэст 33 иет-нень ютавтнзе учительской роботасо—васня Ардатовасо ней Ало велень средней школасонть.

Сон евтнекшни, кода пек стакаль учителькс роботамось революциядонть икеле. Условиятне беряельть ды лезсыкак те роботас-тонть арасель. Ансяк ней учительс—велесэнь содавикс, вечке-викс, почетной ломань. Владимир Николаевич корты:

„Кодамо покш кенярдома марто мон тонавант ней! Ды кода а кенярдомс, кода парсте а роботамс, коли минек кис мелявтыть партиясь, правительствась ды сонсь Сталин ялгась.

—Мон,—корты Метлин ялгась,—пек вечкса эсинь тедем, эщо седеяк пек секс, што виень пугомась стяко а емси. Сон евт-ни, што ламо эйкакштнень эйстэ конатненень сон тонавтыль, лиссть покш ломанть. Вана С. Ледяев. Сон прыдызе Московской Государственной Университетэнь ды прок отличник тоско кадозь математикань кафедрасо асистентэкс роботамо.

Букин прыдызе аспирантанть ды ней роботы Московонь пединститутсо старшой научной робот-никекс. К. Мойсеев комсомоле-цесь отлична прыдызе Казанень финансово-экономической институ-тонть ды ней роботы инженерэкс. Арискина Александра комсомолкась прыдызе Казанень государственной

университетэнь ды ней роботы Казанень пединститутсо химиянь преподавателекс.

Истятнеде ламо. Весе сынст эщо аволь пек умок тонавтсь Владимир Николаевич, мейле тест лездась икеле пелев тонавтнеме туемантень, школань кочкамон-тень. Сон нейгаксюлмавозь сынст марто.

Ало велень средней школасонть Владимир Николаевич V-це ды VII-це класстнэсэ тонавты рузонь келенть ды литературанть коряс. Пек вечксызь сонзэ тонавтниятне. Вечксызь парсте тонавтоманть кис, эрявикс лезксэнь максоманть кис. Тонавтнемань те иенть сонзэ предметэнь коряс сех ламо то-навтницияне прыдыть отличнойстэ ды сех парсте.

Владимир Николаевич корты: „Куш сырединь, яла теке эйсэнь ули эщо ламо вий сень кис, што бу кармамс седеяк парсте тонав-томо, штобу минек од ломантне лисевельть ине родинантень эря-викс, грамотной ломанекс... Ды сонзэ валозо а явовкшны теветь эйстэ. А стяко Владимир Николае-вичень ловить вадря учителекс, сонензэ покш почет ды уважения.

Сыре-чинть лангс апак вано, Владимир Николаевич школасонть вети общественной роботаяк. Сон кочказь профуполномоченнойкс. Методикань коряс покш лезкс максни од учительтненень.

Ф. Кипайкин.

Ардатовань район,

ИСПАНИЯНЬ КОМПАРТИЯНЬ ЦК-НТЬ ПЛЕНУМ

Валенсиясто кулятнень коряс, июнень 18—20 читвестэ ули Испа-ниянь компартиянь ЦК-нь пленум. Пленумось ванноснзе истят воп-ростнень:

1) Единствадо, единой пролетар-ской партиянь теемадо, народной

фронтонь кемекстамодо вопрост-инэнь; 2) производствань, профсо-юзтиень ды профсоюзной единст-вадо вопростнэнь; 3) организацион-ной вопростнэнь, ды 4) кадратнень коряс политиканть.

(ТАСС).

ИСПАНСКОЙ ПРАВИТЕЛЬСТВАНТЬ ЗАСЕДАНИЯ

Валенсиясто кулятнень коряс, июнень 11-це чистэ ульнесь испан-ской правительстванть заседания. Правительствась тешкстызе ты-лэнть куроксто разоружениянзо коряс эсинзэ удовлетворениянть. Законной правительствань весе территориянть келес порядкань кирдемась ловозь удовлетвори-тельнойкс. Национальной оборо-нань министрась теишь предложе-ния Миаха генералонть Почетонь

орденсэ каземадо декретэнь проек-тэнть коряс.

Земледелиянь испанской минис-терствась нолдась декрет, кона-сонть тешкстазь велень хозяйст-вань коллективтиненень лездемадо мероприятиятне. Декретэнть коряс неть коллективтиненень улить мак-созь сынст икеле пелев касомань, велень хозяйствань машинань, удобрениянь, видьмень рамаме средстват.

Испаниясо фронттнэва

Республиканецтиень ванстыть Баск-тиень масторонть ды сонзэ глав-ной ошонть Бильбаонть. Икеле ладсо сын тейнить виев сопро-тивления те фронтсонть фашист-ской войскактненень. Военной сех покш действият молить Лемо-на сэрей тарканть маласо—Биль-баонть эйстэ чи лисема ено. Мя-тежниктиень ды интервенттнень авиациясь июнень 12-це чистэнтэ виевстэ бомбардировнзе фронт-тонь кой-кона участкатнень, истя жо Бильбаонть. Бильбаонть ды фронтонь линиянть маласо район-сонть арась вейкеяк веле, конань бу аволизь бомбардировань мятеж-никтиень. Кой-кона велетне бомбар-дировкатнеде мейле весе тапазь-калатозь. Мятжениктнэ бомбар-дировизь ды пулеметсо леднизь Гормиссэ эйкакшонь покш санато-риянть.

Центральной (мадридской) фронт-

сонть моли ружиясо ды артилле-рийской леднема. Карабанчеленть районсо (Мадридэнтэ пригород) мятежниктиень сезсть 3 минат, ко-нат путозельть республиканской окоптиень икелев, но те сеземась кодамояк зыян эзь тее республи-канецтиненень, мекев лангт, маш-товствэ зырянь ломанть мятежник-тиень ютксто. 3 кудотне, косо ульнесь мятежниктиень, пек ко-лавствэ ды мятежниктиненень савсь сынст урядамс.

Пеле-чи ено (южной) фронтсонть, Пеньярройа ошонть маласо респуб-ликанской войскактне артиллерий-ской анокстамодонть мейле саияз Гордо ошонть, ошонть маласо Фуенте Овехуоноть—вейкине сэ-рей тарканть, кона ульнесь мятеж-никтиень кедьсэ. Республиканской частьтне истя жо занизь Эль-Вакар кшнинь кинь станциянть.

Саранскоень Фельдшерско-акушерской школась

ЯВОЛЯВТЫ ТОНАВТНИЦЯНЬ ПРИМАМО

1937—38 тонавтнема иентень истямо отделениянь васень курс;

Фельдшерской—тонавтнемань шкась—колмо иеть.

Акушерской—тонавтнемань шкась—кавто иеть.

Специальна-молшарьянь подготовительнойс—тонавтнемань шкась вейке ие. Фельдшерской ды акушерской отделениянэс примавить ломанть 15 иестэ 35 иес, конанге прыдызь аволь полной средней школанть. Подготовительной отделенияс примавить ломанть 14 иестэ 35 иес, конатне прыдызь аволь полной средней школанть эли прыдызь „хорошо“ отметканть коряс аволь полной средней школань кото класстнэнь.

Заявлениянэ примавить апрелень 10-це чистэ августонь 15-це чис. Приемной испытаниянэ ушодовить 1937 иень августонь 15-це чистэ ды кар-мить молема августонь 26-це чис.

Испытаниянэ кармить улема: рузонь келень ды литературань, математикань, обществоведениянь, физикань ды географиянь предметнэнь коряс. Испытани-ятне кармить улема ютавтозь аволь полвой средней школань программанть коряс.

Кинь ули мелезз молема тонавтнема фельдшерско-акушерской школас, сетне-нень эряви максомс тов подлинниксэ истят документт:

1. Заявления (эйсэнзэ эряви нев-темс национальностенть).
2. Свидетельства шахомодо.
3. Свидетельства образованиядо.
4. Заверенной автобиография.
5. Кавто фотокарточкат.

Испытанияс нолдазбтненень, конатненень топодсть 16 иеть, эряви туемс эсь мартоест паспортт.

Школас примазбтненень карми улема максозь стипендия успеваемостенть ко-ряс. Максони общежития.

Документтиень кучнеде истямо адресэнь коряс: г. Саранск, МАССР, улица Ленина, 19, фельдшерско-акушерская школа.

Школас молшотнень ды эрятиень анокстамонть туртов, конатне прыдызь аволь полной средней школанть, июлень 10-це чистэ августонь 15-це чис кар-мить улема панжозь вейке козонь анокстамонь курст.

Неть курстнэс заявлениянэ кармить примавомо 1937 иень апрелень 10-це чистэ июлень 10-це чис.

Дирекциясь.

Отв. редакторось М. ЛЮПАЕВ